


Hieher / hieher da wchsel.
Vnd ein sehr langen hiffte als denn blasen.



Hiffte.



Wenn die Hund all zu im kommen / sol er nach einem lustigen eingang ins Holz stehen / vnd schleckerbislin auß seinem Weydöser darauff werffen / vnd mit dem stecken schlagen vnd schreyen.



Hochda hinein / da ist er hinein.
Da hinauß.

Das siebenzigste Capitel.

Wie vnd zu was zeit ein Hase auffzusuchen / zu hetzen / vnd mit gewalt zu fangen sey.



Die beste zeit der Hasen zu hetzen / fahet auff halben Herbstmonat an / vnd weret bis mitten in den Aprill / wenn die Blumen vnd Kräuter auff dem Feld anfangen heraus zu brechen / vnd alsdenn die Hunde von wegen starcks geruchs derselben / die Fahrt nicht mehr gehabt mögen / Derhalben man junge Hund im Herbstmonat anbringen / vnd inen jr Recht geben sol / denn zur selbigen zeit die Hasen noch klein vnd schwach seyn / darnach aber von Tag zu Tag / je größer vnd stärker werden / Also ist mit den Hunden auch / vnd so sie zwey Jar alt seyn / mag man sie als denn zu Feld / vnd wochentlich drey oder vier mal auff die Jagt führen.

Wer wissen wil / wo der Hase sein Lager habe / derselbige sol solches gegen der Nacht abmercken / denn ein Hase allwegen seinem Lager / wenn es schier Nacht wil werden / vñ nicht bey Tage zu zulauffen pflegt / Wenn denn bey Nacht den Hunden ein Hase auffstieß / sol der Jäger alsbald still stehen / an sich halten / vnd die Hunde das ihr verrichten lassen. Wenn er sie denn auff den Hasen

SSS uij begierig